

雜言第一

長沙湘潭王閻運撰

高帝劉邦

大風歌

大風起兮雲飛揚。威加海內兮歸故鄉。安得猛士兮守四方。

鴻鵠歌

鴻鵠高飛。一舉千里。羽翼已就。橫絕四海。橫絕四海。又可奈何。雖有綰繳。將安所思。

武帝徹

鄒子歌

鄒子決兮將奈何。浩浩洋洋兮慮殫為河。殫為河兮地不得寧。功無已時兮吾山平。吾山平兮鉅野溢。魚弗鬱兮柏冬日。正道弛兮離常流。蛟龍騁兮放遠游。歸舊川兮神哉沛。不封禪兮安知外。為我謂河伯兮何不仁。汎濫不止兮愁吾人。鬻桑浮兮淮泗滿。久不返兮水維緩。河湯湯兮激潺湲。北渡回兮迅流難。蹇長菱兮堪美玉。河伯許兮薪不屬。薪不屬兮衛人罪。燒蕭條兮噫乎何。以禦水隕。林竹兮楨石苗。宣防塞兮萬福來。

八代詩選

雜言一
漢至晉

一
埽葉山房石印

秋風辭

秋風起兮白雲飛。草木黃落兮雁南歸。蘭有秀兮菊有芳。懷佳人兮不能忘。汎樓船兮濟汾河。橫中流兮揚素波。蕭鼓鳴兮發擢歌。歡樂極兮哀情多。少壯幾時兮奈老何。

李夫人歌

是邪非邪。立而望之。翩何姍姍其來遲。

落葉哀蟬曲

羅袂兮無聲。玉墀兮塵生。虛房冷而寂寞。落葉依於重局。望彼美之女兮。安得感余心之未寧。

昭帝弗陵

黃鵠歌

黃鵠飛兮下建章。羽肅肅兮行踳踳。金為衣兮菊為裳。唼喋荷荇。出入蒹葭。自顧菲薄。愧爾嘉祥。

淋池歌

秋素景兮泛洪波。揮纖手兮折芰荷。涼風淒淒揚擢歌。雲光開曙月低河。萬歲為樂。

宣云多

劉友

幽歌

諸呂用事兮劉氏微。迫脅王侯兮彊授我妃。我妃既妬兮誣我以惡。讒女亂國兮上曾不寤。我無忠良兮何故棄國。自決中野兮蒼天與直。子嗟不可悔兮寧早自財。為王餓死兮誰者憐之。呂氏絕理兮託天報仇。

劉章

耕田歌

深耕概種。立苗欲疏。非其種者。鋤而去之。

劉安

八公操

煌煌上天照下土兮。知我好道公來下兮。公將與予生毛羽兮。超騰青雲蹈梁甫兮。觀見瑤光過北斗兮。馳察風雲使玉女兮。含精吐氣嚼芝草兮。悠悠將將天相保兮。

劉旦

歌一首

歸空城兮。狗不吠。雞不鳴。橫術何廣。廣兮。知國中之無人。

華容夫人

髮紛紛兮。寘渠。骨籍籍兮。亡居。毋求死子兮。妻求死夫。裴回兩渠間兮。君子將安居。

劉胥

瑟歌

欲久生兮。無終。長不樂兮。安窮。奉天期兮。不得須臾。千里馬兮。駐待路。黃泉下兮。幽深。人生要死。何為苦心。何用為樂心。所喜出入。無怵為樂。豈里召兮。郭門開。死不得。取代庸身。自逝。

劉去

為望鄉歌

背尊章。嫖以忽。謀屈奇。起自絕。行周流。自生患。諒非望。今誰怨。

為脩成歌

愁莫愁。生無聊。心重結。意不舒。內弟鬱。憂哀積。上不見天。生何益。日崔隕。時不再。願弃驅死。無悔。

無名人

四句每首皆同既無闕詞古今並省去讀諸韻此重讀耳凡琴瑟曲終即解弦更變令更失緒韻也

吾欲上謁從高山。山頭危險道路難。遙望五嶽端。黃金為闕。班璘但見芝草。葉落紛紛。解百鳥集。來如烟。山獸紛綸。麟辟邪。其端昆雞聲鳴。但見山獸援戲相拘攀。解小復前行。玉堂未心懷。流還傳教出門來。門外人何求。所言欲從聖道求。一得命延解。一闕字。臚臚教教允。吏受言。採取神藥若木端。玉兔長跪搗藥蝦蟆丸。奉上陛下。玉拌服此藥。可得神仙。解服爾神藥。莫不歡喜。陛下長生老壽。四面肅肅稽首。天神擁護左右。陛下長與天相保守。解

西門行

出西門步念之。今日不作樂。當待何時。夫為樂為樂。當及時。何能坐愁拂鬱。當復待來。茲飲醇酒。炙肥牛。請呼心所歡。可用解憂愁。人生不滿百。常懷千歲憂。晝短苦夜長。何不秉燭遊。游行去去如雲除。敝車羸馬為自儲。

東門行

出東門不顧。歸來入門。悵欲悲。盎中無斗儲。還視桁上無縣衣。拔劍出門去。兒女牽衣。唬他家。但願富貴。賤妾與君共。舖糜共舖糜。上用倉浪天。故下為黃口小兒。今時清廉難犯教言。君復自愛莫為非。今時清廉難犯教言。君復自愛莫為非。行吾去為

遲平慎行望君歸。

婦病行

婦病連年累歲。傳呼丈人前一言。當言未及得言。不知淚下一何翩翩。屬累君兩三。孤子莫我兒。飢且寒。有過慎莫笞。行當折搖。思復念之。亂曰。抱時無衣。襦復無裏。閉門塞牖。舍孤兒。到市道。逢親交。泣坐不能起。從乞求與孤買餌。對交曉泣淚。不可止。我欲不傷悲。不能已。探懷中錢。持受交。入門見孤啼。索其母抱。裴回空舍中。行復爾耳。棄置勿復道。

孤兒行

孤兒生。孤兒遇。生命獨當苦。父母在時乘堅車。駕駟馬。父母已去。兄嫂令我行賈。南到九江。東到齊與魯。臘月來歸。不敢自言苦。頭多蟣蝨。面目多塵。大兄言。辦飯。大嫂言。視馬。上高堂行。取殿下堂。孤兒淚下如雨。使我朝行。汲莫得水。來歸。手為錯。足下無。扉。愴愴履。霜中多蒺藜。拔斷蒺藜腸。肉中愴欲悲。淚下漉漉。清涕纍纍。冬無複襦。夏無單衣。居生不樂。不如早去。下從地下黃泉。春氣動。草萌芽。三月蠶桑。六月收水。將是。是。是。車。來到還家。取車反覆。助我者少。啗。瓜。者多。願還我。蒂。兄與嫂嚴獨且急。歸當與校計。亂曰。里中一何譊譊。願欲寄尺書。將與地下父母。兄嫂難與久居。

雁門太守行

孝和帝在時。洛陽令王君。本自益州廣漢蜀民。少行宦。學通五經。論明知法令。歷世衣冠。從溫補洛陽令。治行致賢。擁護百姓。子養萬民。外行猛政。內懷慈仁。文武備具。料民富貧。移惡子姓。篇著里端。傷殺人。比伍同辜。對門禁釐。矛八尺。捕輕薄少年。加笞決辜。詣馬市。論無妄發。賦念在理。冤救吏正獄。不得苛煩財。用錢三十。買繩理竿。賢哉賢哉。我縣王君。臣更衣冠。奉事皇帝。功曹主簿。皆得其人。臨部居職。不敢行恩。清身苦體。夙夜勞勤。治有能名。遠近所聞。天年不遂。早就奄昏。為君作祠。安陽亭西。欲令後世。莫不稱傳。

滿歌行一首

為樂未幾時。遭時嶮巇。逢此百罹。伶丁荼毒。愁苦難為。遙望極長。天曉月移。憂來填心。誰當我知。戚戚多思慮。耿耿殊不寤。禍福無形。惟念古人。遜位躬耕。遂我所願。以茲自宜。自鄙棲棲。守此未榮。暮秋烈風。昔蹈滄浪。心不能安。攬衣瞻夜。北斗闌干。星漢照我。去自無他。奉事二親。勞心可言。窮達天為。智者不愁。多為少憂。安貧樂道。師彼莊周。遺名者貴。子遐同游。往者二賢。名垂千秋。飲酒歌舞。樂復何須。照視日月。日月馳驅。輾轉人間。何有何無。貪財惜費。此一何愚。鑒石見火。居代幾時。為當懼樂心。

得所喜。安神養性。得保遐期。

淮南王篇一首

淮南王自言尊。百尺高樓與天連。後園鑿井銀作牀。金瓶素綆汲寒漿。汲寒漿。飲少年。少年窈窕何能賢。揚聲悲歌音絕天。我欲渡河河無梁。願化雙黃鵠。還故鄉。還故鄉。入故里。裴回故鄉。苦身不已。縣聲寄舞。無不泰。裴回桑梓游天外。

悲歌

悲歌可以當泣。遠望可以當歸。思念故鄉。鬱鬱纍纍。欲歸家無人。欲渡河河無船。心思不能言。腸中車輪轉。

猛虎行

饑不從猛虎食。暮不從野雀棲。野雀安無巢。游子為誰驕。

古歌

上金殿。著玉尊。延貴客。入金門。入金門。上金堂。東厨具有膳。椎牛烹猪羊。主人前進酒。彈瑟為清商。投壺對彈碁。博奕並復行。朱火颺煙霧。博山吐微香。清尊發朱顏。四坐樂且康。今日樂相樂。延年壽千霜。

秋風蕭蕭愁殺人。出亦愁。入亦愁。座中何人誰不懷憂。令我白頭。胡地多颼風。樹木

何修修。離家日趨遠。衣帶日趨緩。心思不能言。腸中車輪轉。
鏡歌

戰城南。死城北。野死不葬烏可食。為我謂烏且為客。豪野死。諒不葬腐肉。安能去子。
逃水深。激激蒲葦冥冥。梟騎戰鬥死。駕馬裴回鳴。梁築室。何以南。何以北。禾黍不穫。
君何食。願為忠臣安可得。思子良臣。良臣誠可思。朝行出攻。莫不夜歸。戰城南。
上陵何美美。下津風以寒。問客從何來。言從水中央。桂樹為君船。青絲為君竿。木蘭
為君櫂。黃金錯其間。滄海之雀赤翅鴻。白雁隨山林。乍開乍合。曾不知日月明。醴泉
之水光澤何蔚蔚。芝為車。龍為馬。覽敖游四海外。甘露初二年。芝生銅池中。仙人下
來飲。延年千萬歲。上陵

君馬黃。臣馬蒼。二馬同逐臣。馬良。易之有驪。蔡有赭。美人歸以南。駕車馳馬。美人傷。
我心。佳人歸以北。駕車馳馬。佳人安終極。君馬黃

有所思。乃在大海南。何用問遺君。雙珠璫。瑁簪。用玉紹繚之。聞君有他心。拉雜摧燒
之。摧燒之。當風揚其灰。從今已往。勿復相思。相思與君絕。雞鳴狗吠。兄嫂當知之。妃
呼狶。秋風肅肅晨風颭。東方須臾高知之。有所思

上邪。我欲與君相知。長命無絕衰。山無陵。江水為竭。冬雷震震夏雨雪。天地合。乃敢

與君絕。上邪

臨高台以軒。下有清水清且寒。江有香草目以蘭。黃鵠高飛離哉翻。關弓射鵲。令我主壽萬年。臨高臺

轅東 朱暉 崔廓 周述

歌一首

莫莫高山。深谷逶迤。嗔嗔紫芝。可以療飢。唐虞世遠。吾將安歸。駟馬高蓋。其憂甚大。富貴之畏人兮。不若貧賤之肆志。

司馬相如

琴歌

鳳兮鳳兮。歸故鄉。遨遊四海。求其皇。時未通遇。無所將。何悟今夕。升斯堂。有艷淑女。在此方。室邇人遐。毒我腸。何緣交頸。為鴛鴦。

皇兮皇兮。從我棲。得託字尾。永為妃。交情通體。心和諧。中夜相從。知者誰。雙興俱起。翻高飛。無感我心。使余悲。

李陵

別歌

徑萬里兮度沙漠。為君將兮奮匈奴。路窮絕兮矢力摧。士眾滅兮名已隕。老母已死。雖欲報恩將安歸。

李延年

歌一首

北方有佳人。絕世而獨立。一顧傾人城。再顧傾人國。傾城復傾國。佳人難再得。

息夫躬

絕命詞

玄雲決鬱將安歸兮。鷹隼橫厲。鸞裴回兮。矰若浮焱。動則機兮。叢棘棧棧。或可棲兮。發忠忘身。自繞罔兮。冤頸折翼。庸得往兮。涕泣流兮。荏蘭心結。綰兮傷肝。虹蜺曜兮。日微孽。杳冥兮。未開痛。入天兮。嗚呼冤際。絕兮誰語。仰天高兮。自列。招上帝兮。我察秋風。為我吟。浮雲為我陰。嗟若是兮。欲何留。撫神龍兮。攬其須。游曠迴兮。反亡期。雄失據兮。世我思。

趙飛燕

歸風送遠之操

涼風起兮天隕霜。懷君子兮渺難望。感予心兮多慨慷。

靈帝劉宏

招商曲

涼風起兮日照渠。青荷晝偃葉夜舒。惟日不足樂有餘。清絲流管歌玉鳧。千年萬歲嘉難踰。

梁鴻

五噫歌

陟彼北芒兮噫。顧瞻帝京兮噫。宮闕崔巍兮噫。民之劬勞兮噫。遼遼未央兮噫。

適吳詩

逝舊邦兮遐征。將遙集兮東南。心悵怛兮傷悴。志非非兮升降。欲乘策兮縱邁。疾吾俗兮作讒。竟舉枉兮措直。咸先佞兮哢哢。固靡漸兮獨建。冀異州兮尚賢。聯逍遙兮敖嬉。續仲尼兮周流。倘云覩兮我悅。遂舍車兮即桴。過季札兮延陵。求魯連兮海隅。雖不察兮光貌。幸神靈兮與休。惟季春兮華阜。麥含英兮方秀。哀茂時兮逾邁。愍芳香兮日臭。悼我心兮不獲。長委結兮焉究。口囂囂兮余訕。嗟悵悵兮誰留。

張衡

四愁詩

我所思兮在太山。欲往從之梁父艱。側身東望涕霑翰。美人贈我金錯刀。何以報之英瓊瑤。路遠莫致倚逍遙。何為懷憂心煩勞。

我所思兮在桂林。欲往從之湘水深。側身南望涕霑襟。美人贈我琴琅玕。何以報之雙玉盤。路遠莫致倚惆悵。何為懷憂心煩傷。我所思兮在漢陽。欲往從之隴阪長。側身西望涕霑裳。美人贈我貂襜褕。何以報之明月珠。路遠莫致倚峙嶠。何為懷憂心煩紆。我所思兮在雁門。欲往從之雪雰雰。側身北望涕霑巾。美人贈我錦繡段。何以報之青玉案。路遠莫致倚增歎。何為懷憂心煩惋。

孔融

六言詩

漢家中葉道微。董卓作亂乘衰。僭上虐下專威。萬官惶怖莫違。百姓慘慘心悲。其郭李分爭為非。遷都長安思歸。瞻望關東可哀。夢想曹公歸來。其從洛到許。巍巍曹公憂國無私。減去厨膳甘肥。群僚率從祁祁。雖得奉祿長飢。念我苦寒心悲。其

蔡琰

悲憤詩

嗟薄祐兮遭世患。宗族殄兮門戶單。身執略兮入西關。歷險阻兮之羌蠻。山谷眇兮路漫漫。眷東顧兮但悲歎。冥當寢兮不能安。飢當食兮不能餐。常流涕兮眊不乾。薄志節兮念死難。雖苟活兮無形顏。惟彼方兮遠陽精。陰氣凝兮雪夏零。沙漠離兮塵冥冥。有草木兮春不榮。人似禽兮食其腥。言兜離兮狀竊停。歲聿莫兮時邁征。夜悠長兮禁門扃。不能寐兮起屏營。登胡殿兮臨廣庭。玄雲合兮翳月星。北風厲兮肅泠泠。胡笳動兮邊馬鳴。孤雁歸兮般嚶嚶。樂人興兮彈琴箏。音相和兮悲且清。心吐思兮胸憤盈。欲舒氣兮恐彼驚。含哀咽兮涕霑頸。家既迎兮當歸寧。臨長路兮捐所生。兜呼母兮啼失聲。我掩耳兮不忍聽。追持我兮走煢煢。頓復起兮毀顏形。還顧之兮破人情。心怛絕兮死復生。

龐德公

於忽操

於忽乎。不可以為。其又奚為。離婁之精。夜何有於明。師曠之耳。聾者亦有爾求。王良之手。後車載之前行。險既以覆。後遂逐其猶來。雖目盼而心駭。顧其能之安施。委繩墨以聽人。分雖班輸亦奚以為。於忽乎。不可以為。其又奚為。椽樞桷榱之倚重。顧柱小之奈何。方風雨之晦陰。行者

艱而不休。居者坐而笑歌。不知壓之忽然兮。其謂安何。於忽兮。不可以為其又奚為。謂雞斯飛。誰得而羈。謂豕斯突。何取于縛。是皆以食而得之。吾於饑而後噫。雞兮豕兮。死以是兮。

曹操

氣出唱第三首

游君山。甚為真。確磈砢。爾自為神。乃到王母台。金階玉為堂。芝草生殿旁。東西廂。客滿堂。主人當行觴。坐者長壽遠。何央。長樂甫始。宜孫子。常願主人增年與相守。

度關山

天地閒。人為貴。立君牧民為之軌。則車轍馬跡。經緯四極。黜陟幽明。黎庶繁息。於鑠賢聖。總統邦域。封建五爵。井田刑獄。有燭丹書。無背赦贖。臯陶甫侯。何有失職。嗟哉後世。改制易律。勞民為君。役賦其力。舜漆食器。畔者十國。不及唐堯。宋桀不斲。世歎伯夷。欲以厲俗。侈惡之大。儉為其德。許由推讓。豈有訟曲。兼愛尚同。疏者為戚。精列

厥初生。造化之陶物。莫不有終期。聖賢不能免。何為懷此憂。願螭龍之駕。思想崑崙居。見欺於迂怪。志意在蓬萊。周孔聖徂落。會稽以墳邱。陶陶誰能度。君子以弗憂年。